

Nya
Golot
Emiene

Mejo ma soe Kalate Zambe

© by Alliance Biblique du Cameroun

Edition 2022

© by **GBV**
printed in Germany

GBV Dillenburg GmbH
Eiershäuser Straße 54
35713 Eschenburg
GERMANY
www.gbv-dillenburg.de
www.gbv-online.org

Ɛ metata'a Ajôô
a nga too,
a Ajôô a mbe baa Zambe,
a Ajôô a mbe Zambe.

Yoanes 1:1

Ɛ ne ényiñ é mbe
e be nye,
a ényiñ éte é mbe
éfufub ya bôt.

Yoanes 1:4

Ende Yésus
a nga beta kobô
be a jô na:
Ma me ne éfufub
ya si nyô,
e môť a tônia ma,
aa ye ke
wulu e dibi été,
ve a ye bi
éfufub ya ényiñ.

Yoanes 8:12

Ane Yésus a nga
jô nye na:
Ma me ne zen,
me to fe bebela,
a ényiñ.
Teke môť éziñ
a ne ke be Tate,
nye teke lôte be ma.

Yoanes 14:6

*Y*ésus a nga kôlô
si a yôtane na:
Nge mô't a wô'ô évé,
a za'a be ma a zu nyu.
E mô't a buni ma,
aval ane Ntilane wo jô:
Asôé mendime ma
ve ényîñ da ye
kui nye abum été.
Yoanes 7:37-38

*Z*a'ane be ma,
mia bese mia wô'ô njuk
amu adite mbe'e a ma
ma ye ve mia awo'on.
Metias 11:28

*Y*aa, ébôñeté jam é
ne tyi'ibi ya be'e
a mbe'e wom éveves.
Metias 11:30

A Zambe,
koo ma éngôngo,
ma mbo abé.

Lukas 18:13

*A*mu ma'ane
m'abé me ne awu,
ve mveane zesé
Zambe, ô ne
ényiñe ya nnôm éto
e be Yésus Krist
Nti wongan.

Berômeñ 6:23

*A*ne Yésus a nga nyoñe
nkobô a jô nye na:
Bebela, bebela émien,
ma kate wo na, nge
môt teke bialé mfefé,
a se ngul ya yen
Ejôé Zambe.

Yoanes 3:3

*T*e wo vembe
amu ma jô wo na:
Mia yiane bialé mfefé.

Yoanes 3:7

*K*ôñela'ane ñhe minlem,
a bulane be Zambe,
ndembene mam abé
menan me vas.

Mimboone Minlôman 3:19

*N*ge bia mem
mam abé mangan,
e nyô ya tabe nye ndi
a zôsôô aval a ne a né,
a ye fo'o jamé bia mam
abé mangan a tune
bikotekote biangan bise.

Jean ôsu 1:9

*E*bôte bese
be nga nyoñe nye,
a nga ve be ngule ya
bo bone be Zambe,
e ba bese
ba buni e jôé dé,
e ba be nga bialé sake
a ngule ya metyi,
nge nkômban
éziñ ya minsôn,
nge nkômbane ya
be nnôme fam éziñ,
fo'o ve a ngule Zambe.

Yoanes 1:12-13

*B*ebela,
bebola émien,
ma jô mia na e mô
a wô'ô mejô mam a buni
fe e Nyô a nga lôme ma,
môt ate a mbili ényinë
ya melu mese,
a nji zu vôm ya
ntyi'ane mejô,
amu a lôteya a kôlô'ô
awu a kui ényinë.

Yoanes 5:24

*A*mu Zambe a nga
dañ nye'e si nyô,
nde a nga
ve atyi'i Mone dé,
ajô te e mô ase a
buni nye,
a ne teke jañ,
ve bi ényinë ya
nnôm éto.

Yoanes 3:16

*V*e be nga jii ny'akoñ
amu mintyamane
metiñe miangan,
melep ma ve bia mvo'é
Nye a nga nyoñe me,
a bi yeteya amu bedu'i bé.
Ezayi 53:5

*O*lô me tele
mbé si a ma kut.
Nge môť éziñ a wô'ô
tyiñe jam a diine ma mbé,
ma ye nyiine be nye a di
be nye a nye be ma.

Nlitan 3:20

*A*bo'o na Krist a tabe
e minleme mienan été
a zene ya mbunan na;
mbemban a mi too
e mbôka'a nye'ane yôp.

Efeze 3:17

*A*mu Mona môť a nga
zu jeñ a nyii jôm é nga jañ.

Lukas 19:10

*E*bôte bese Tate a
ve ma ba ye zu e be ma,
a môť ase a zu be ma maa
ye wua nye atan,
amu me nga so yôp,
sake na me bo
nkômbane wom mamien,
ve nkômbane môť
a nga lôme ma.

Yoanes 6:37-38

*Z*a'an amu mam mese
me ntoo nkôman.

Lukas 14:17

*E*yoñ a nga kuli be atan,
a nga sili be na:
A beti, me ne bo aya
ane me ne yen ényiñ?
Ane be nga
yalane nye a jô na:
Buni'i Nti Yésus a nda jôé,
wôna wo ye yen ényiñ.

Mimboone Minlôman 16:30-31

Nye ate bekulu
mejô bese ba kañete ajô
dé e be môť ase a telé
ndi nleme jée be nye.

Mimboone Minlôman 10:43

Nyô a nga wu
ajô minkobane
miangan a wômô
mfa'a mekabe mangan.

Berômeñ 4:25

Ajô te éyoñe ji,
mekua me nji fe bo e be
ba be ne be Krist Yésus.

Berômeñ 8:1

Me nga tili
mame mete mese,
amu mi yeme na mi
bili ényiñe ya melu mese,
mia mia buni a jôé
mone Zambe.

Jean ôsu 5:13

*V*e da,
te mia vak amu
minsisim mia wô'ô mia,
ve va'an amu môê menan
me ntoo ntilane yôp.

Lukas 10:20

*M*ôt,
a too jôé na Ananias,
a nga kuane biôme bié,
baa minga wé tyiñ a
to jôé na Safira.

Mimboone Minlôman 5:1

*M*i nyiñeya
fo'o v'amu mvam,
a zene ya mbunan.
Mi see jame ya bo,
e ne mveane Zambe.
E nji bo ajô mimboone
mi mam, môêt éziñ a za
bo mebun amu nalé.

Efeze 2:8-9

*A*kéva e bo'o be
Zambe amu mveane wé
ô ne teke jame ya jô.

Koréñt Baa 9:15

*V*e nge bia wulu
éfufup été,
aval a ne émien
a too éfufup été,
bia fulane minlem,
wua a nyô mbok,
a metyi me
Yésus Mone wé
ma tune bia abé ese.

Jean ôsu 1:7

*M*intômba miam mia
wô'ô tyiñe jam,
ma yeme mie a mia
zu mia tôñe ma,
e nde fe ma ve mie
ényiñe ya melu mese,
teke mi ye'e jañ ajañ ajañ,
a teke môť éziñ a ne vaa
mie e mo mam a ngu.

Yoanes 10:27-28

*A*mu jame
te nde mi nga loban.
Amu Krist fe a nga
jibi mintaé amu mia,
a li'i mia éve'ela,
nalé mia ye tône
bibô'a mebo bié.

Pierre ôsu 2:21

*M*i ye'ele be ane
ba yiane ba'ale mam
mese me nga bendé mia;
mi lôô me ne a mia môse mise
akekui amané ya si nyô.

Metias 28:20

*A*vale te nde éfufube jenan
ja yiane faé e mise me bôt,
nalé ba ye yene mbamba
mimboone mienan a ve
ésoo wônan a ne yôbe duma.

Metias 5:16

*Y*aa,
e nyô ase a ye wô'ô
ma ôson a mejô mam,
Mona mô't a ye
wô'ô nye ôson éyoñ
a ye zu étôto'o
jé é'té a e ji Esaa
a mimfufube beéngéle.

Lukas 9:26

*B*ilo'o
bia kô't sam ja viele,
ve njôane Zambe wongan
wo ye tabe nnôm éto.

Ezayi 40:8

*Y*ôp a si bia
ye lô't ve mejô mam
ma ye bo te lô't.

Lukas 21:33

*T*e tyelane
minleme yôp a jam éziñ.
Ve katane Zambe e mam
mia sili biyoñe bise e
meye'elan, a minja'an,
mfula'an a mvean akéva.

A e mvo'é Zambe
ja dañe fe'ése,
ja ye ba'ale minleme
mienan a asimesane
denan e be Yésus Krist.

Filip 4:6-7

*N*ti a yené be ma ôyap,
ma nye'e wo nye'ane
ya nnôm éto; ajô te ma
ba'ale wo mvame jam.

Yeremia 31:3

*M*a ve wo ngule nyô,
ma zu volô wo.
Ma su'u wo a mbo
nnôme wom ya ndañan.

Ezayi 41:10

Enda be Esaa wom,
bitaba'a bi ne abui.
Nge nalé momo,
ve me nga ye kate mia,
amu ma ke kôme mia vôm.
Nge ma ke a mane
kôme mia vôm,
mamien ma ye bulane
zu nyoñe mia,
e vôm me too,
vôm ate fe mia yé tabe.

Yoanes 14:2-3

Amu Nti émien,
éyoñ éyoñ é kuiya,
tyiñe beta éngele é kobôya,
a toñe Zambe é loñebaneya,
a ye so yôp;
éyoñe te miñwuan mi ne
be Krist mia ye taté wômô;
mvus éte bia, bevevee,
bia ye li'i, fufulu a be,
bia ye nyoñeban e minkut été,
a ke tôbane Nti e miñyem été,
nalé ate bia be Nti bia
ye tabe nnôm éto.

Tésalonik ôsu 4:16-17

A me nga yene mfefé
yôp a mfefé si, amu e
yôb ôsu a e si ôsu bi ntoo
momo. A mañ me nji fe bo .

Nlitan 21:1

A ye fimi mili'i mese e
mise map, awu daa ye fe
bo. Ôlun, nge ñyôn, nge
mintaé, biaa ye fe bo. Amu
mam ya ôsu me lôteya.

Nlitan 21:4

Ô lô ma zu ana'ana.

Nlitan 22:12

E môť a wô évé a za'ak,
e môť a kômbô,
a nyoñe bevevee mendim
e zesé.

Nlitan 22:17

*A*men.
Za'ak a Nti Yésus!

Nlitan 22:20

La'ané Kalate Zambe, a ne
mejo me Zambe, vo'olané
tyiñ Zambe, amu nya Zambe
ave'e ane a mia. Ayi na mi
yem nnya'ane wé. A liti mia
nya zen ya'a wo'one, mvae a
evovoe.

CENTRES BIBLIQUES:

Bafoussam: B.P. 1086
cb.bafoussam1@gmail.com
tél.: 699.979.881

Bertoua: B.P. 12
cb.bertoua@gmail.com
tél.: 696.855.087

Ebolowa: B.P. 98
cb.ebolowa@gmail.com
tél.: 694.603.064

Garoua: B.P. 510
cb.garoua@gmail.com
tél.: 663.822.557

Ngaoundéré: B.P. 30
cb.ngaoundere@gmail.com
tél.: 695.245.462

Douala: B.P. 7541
cbdouala@gmail.com
tél.: 699.768.667
tél.: 677.908.232

Ngong (carr. Tourwa)
tél.: 657.271.882

Yaoundé: B.P. 4866
cbyaounde@gmail.com
tél.: 699.548.415

Kousséri: B.P. 98,
cb.kousseri@gmail.com
tél.: 676.099.969
tél.: 695.140.266

Maroua: B.P. 98,
cb.maroua@gmail.com
tél.: 675.004.505
tél.: 695.765.950

Mora: tél.: 660.888.143
cb.mora.massif@gmail.com

Monatéle: B.P. 92
tél.: 677.417.365

Nkongsamba: B.P. 38
tél. 650.235.048

